

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

**Uputiti: Ministarstvo komunalne privrede, infrastrukture, prostornog uređenja, građenja i zaštite
okoliša Kantona Sarajevo i KJKP Rad d.o.o. Sarajevo**

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu **Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP Rad d.o.o. Sarajevo**, da u saradnji sa jedinicama lokalne samouprave, **hitno uspostave i provedu sistemsku i periodičnu akciju pranja kontejnera, čišćenja, dezinfekcije i deratizacije lokacija i mjesta na kojima se nalaze kontejneri i na kojima se vrši odlaganje otpada na području Kantona Sarajevo.**

Obrazloženje

Cijeneći stanje na terenu, evidentno je da se aktivnosti pranja kontejnera, dezinfekcije i deratizacije lokacija za odlaganje otpada ne provode redovno niti sistemski, već da su u značajnom dijelu Kantona Sarajevo izostale duži vremenski period.

Mjesta na kojima se odlaže otpad nalaze se unutar naseljenih područja, u neposrednoj blizini stambenih objekata, što dovodi do širenja neugodnih mirisa, prljavštine, pojave glodara i insekata, te direktno ugrožava zdravlje i kvalitet života stanovnika. Posebno zabrinjava činjenica da se pojedine lokacije za odlaganje otpada nalaze u neposrednoj blizini dječijih igrališta, gdje se zaostali otpad često raznosi i po samim igralištima, čime se stvara ozbiljna i nedopustiva zdravstvena prijetnja za djecu.

Imajući u vidu da se radi o osnovnim higijensko-zdravstvenim mjerama koje moraju biti **kontinuirane, planske i sistemske**, a ne povremene i ad hoc aktivnosti, smatram da je neophodno hitno pokrenuti koordinisanu akciju resornog ministarstva, komunalnog preduzeća i lokalnih zajednica, uz jasno definisanu dinamiku, obuhvat i odgovornost za provođenje ovih mjera.

S poštovanjem,

Faruk Selmanović, zastupnik u Skupštini Kantona Sarajevo